

Aber die geng die yhr streichē habē aus
der mitternacht yn den mittag / vnd yhr
hanhends gegen dē abend / yhr ligēds vn̄
ausgehnds gegen dem morgen / dieselbis
gen sind hōflicher zu sawē den̄ die geng /
die da streichē aus dem mittag yn dy mit
ternacht / welcher hāgends gegē dē mor
gen ist / sondern ligēds vn̄ ausgehnds ge
gen dē abend / wiewol dise letzte genge zu
zeiten angeflogen vn̄ gedigen silber fürē /
oder gut erz an etlichen örtern / ydoch ist
an yhn nicht bestendig vn̄ werig / Den̄ dy
gange Minerische krafft wird durch sol
che ausgehnd d̄ geng gātz ausgepradēpt
vnd hinweg gewitert vnd gezogen.

Des gleichen vernym auch von den gē
gen / die yhre streychen haben aus dē mor
gen yn den abend / als vor gesagt ist /
vnd yhr ausgehnd vnd ligends gegen dē
mittag / denn sie werden durch yhre aufs
gehend ganz verunadelt.

Item / vnter den silbergengen sind etli
che die yn hāgends vnd ligends quertz ha
bē / etliche spat / etliche hornstein / etliche
eysenstein / etliche weyslettig gepirg / etli
che Blagstein / etliche gemangte oder ges
sprengte gestein vō vil farben / nach ver
mischung